

## გადაწყვეტილება

N გ-22-19/50  
17/02/2022

50-გ-22-1-4-202202171625



**ინდ. მეწარმე „ბექა ხაჯიშვილის“ ნუმერაციის რესურსით სარგებლობის № N594 უფლების  
გაუქმებისა და კომისიის 2021 წლის 12 აგვისტოს № გ21-15/469 გადაწყვეტილების  
ძალადაკარგულად გამოცხადების შესახებ**

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას განცხადებით მიმართა ინდ. მეწარმე „ბექა ხაჯიშვილი“ (კომისიაში რეგისტრაციის №შ-22-7/570, 08.02.2022) ნუმერაციის რესურსით სარგებლობის № N594 უფლების გაუქმების თაობაზე.

კომისია აღნიშნავს, რომ ინდ. მეწარმე „ბექა ხაჯიშვილი“ ფლობს კომისიის 2021 წლის 12 აგვისტოს №გ21-15/469 გადაწყვეტილებით ქ. ბათუმში ფიქსირებული ელექტრონული საკომუნიკაციო ქსელებით და საშუალებებით მომსახურების ორგანიზებისათვის და ამ ქსელების აბონენტების ტერმინალური მოწყობილობების იდენტიფიცირებისათვის, ავტორიზებული საქმიანობისთვის, ნუმერაციის რესურსით სარგებლობის № N594 უფლებას 1000 (ერთი ათასი) სააბონენტო ნომერზე (422202000-422202999).

„ელექტრონული კომუნიკაციების შესახებ“ საქართველოს კანონის 54-ე მუხლის პირველი პუნქტის ა) ქვეპუნქტის და მე-2 პუნქტის, ასევე კომისიის 2012 წლის 21 თებერვლის №2 დადგენილებით დამტკიცებული „ნუმერაციის რესურსის გაცემის, გამოყენებისა და ანგარიშსწორების წესების“ მე-7 მუხლის პირველი პუნქტის ა) ქვეპუნქტის შესაბამისად, ნუმერაციის რესურსით სარგებლობის უფლების გაუქმების საფუძველია უფლების მფლობელის მოთხოვნა; ამავე მუხლის მე-2 პუნქტის შესაბამისად, უფლების გაუქმების შემთხვევაში მფლობელს მის მიერ გადახდილი ნუმერაციის რესურსით სარგებლობის საფასური არ უბრუნდება.

კომისია აღნიშნავს, რომ ინდ. მეწარმე „ბექა ხაჯიშვილი“ ზემოაღნიშნულ ნუმერაციის რესურსზე რეგისტრირებული აბონენტი არ ჰყავს.

ზემოაღნიშნულიდან გამომდინარე, „ელექტრონული კომუნიკაციების შესახებ“ საქართველოს კანონის 54-ე მუხლის პირველი პუნქტის ა) ქვეპუნქტის და მე-2 პუნქტის, ასევე კომისიის 2012 წლის 21 თებერვლის №2 დადგენილებით დამტკიცებული „ნუმერაციის რესურსის გაცემის, გამოყენებისა და ანგარიშსწორების წესების“ შესაბამისად, კომისიამ კენჭისყრის შედეგად, ერთხმად

### **გადაწყვეტა:**

1. გაუქმდეს ინდ. მეწარმე „ბექა ხაჯიშვილი“ ნუმერაციის რესურსით სარგებლობის № N594 უფლება და ძალადაკარგულად გამოცხადდეს კომისიის 2021 წლის 12 აგვისტოს №გ21-15/469 გადაწყვეტილება;
2. დაევალოს კომისიის აპარატის სამართლებრივ დეპარტამენტს (ნ. ლორთქიფანიძე) სათანადო მონაცემების კომისიის რეესტრში შეტანა;
3. გადაწყვეტილება ძალაში შევიდეს მისი ინდ. მეწარმე „ბექა ხაჯიშვილისთვის“ ჩაბარებისთანავე;

4. დაევალოს კომისიის ადმინისტრაციას: აღნიშნული გადაწყვეტილების ინდ. მეწარმე „ბექა ხაჯიშვილისთვის“ გაგზავნა (ნ. ჯავახიძე) და კომისიის ოფიციალურ ვებ-გვერდზე ([www.comcom.ge](http://www.comcom.ge)) გამოქვეყნება (ნ. შოვნაძე).
5. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი N64) ინდ. მეწარმე „ბექა ხაჯიშვილისთვის“ ჩაბარებიდან ერთი თვის ვადაში;
6. კონტროლი აღნიშნული გადაწყვეტილების შესრულებაზე დაევალოს კომისიის აპარატის სამართლებრივი დეპარტამენტის ავტორიზაციის და ლიცენზირების ჯგუფს (მ. ქადეიშვილი).

ვახტანგ აბაშიძე

თავმჯდომარე - მ.შ.

ნათია კუკულაძე

წევრი

ივანე მახარაძე

წევრი

